



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Pisan. Archiepiscopo, Episcopo Vrbinati, Camaldulen. & S. Fridiani
Prioribus.

urn:nbn:de:hbz:466:1-20006

*N O B I L I V I R O
R. de Agout.*

Epif. 408.
Vt Comitem
Forcalcien-
sem ad facrum
bellum inviteret.

AD meritum tibi profecisse credimus, & ad gloriam proventurum, quod nobilem virum W. Comitem Forcalcien. à pluribus (sicut accepimus) revocasti, quæ iniquè meditatus fuerat in corde suo, & disposuerat iniquius operari. Licet enim universis malitiis ejus resistere non potueris, aut mentem ejus peccatorum suorum mole depressam erigere ad virtutes, magnum tamen & tibi meritorium reputamus ab aliquibus revocasse hominem hactenus pestilentem, & in aliquo saltē pravum ejus propositum retardasse. Ne quid ergo tuo studio desit, immo ut ex bono principio finem inferas meliorem, nobilitati tuae per apostolica scripta mandamus, & in remissionem injungimus peccatorum, quatenus Comitem memoratum moneas diligenter & inducas ut in manibus dilecti filij R. Massilien. Præpositi Subdiaconi nostri, quem ad hoc specialiter destinamus, super his pro quibus est excommunicatione notatus, plenam satisfactio nem impendat, & absolutionis beneficium consecutus, dominicam crucem assumat, & ad vindicandam injuriam crucifixi ad partes se transferat transmarinas. Si enim ipsum Domino potueris tua commonitione lucrari, & ad viam reducere veritatis, in præsenti tibi ceder ad famam, & in futuro ad gloriam proficiet sempiternam.

*PISAN. ARCHIEPISCOPO,
Episcopo Urbinati, Camaldulen. & S.
Fridiani Prioribus.*

Epif. 409.
Quod collectā
pecuniam non
in fisco eius, sed
ad utilitatem
publicam Pon-
tificis converte-
re velit.

CVm ad exhortandos fidelium populos ad obsequium Iesu Christi & subveniendum orientali provinciæ, illius terræ necessitas & utilitas totius populi Christiani, immo etiæ causa Christi solummodo nos inducant, non ex hoc propria lucra captantes, in quo potius de nostris proposuimus liberaliter elargiri, nec quæ nostra sunt, sed quæ Iesu Christi quarentes, non est ab aliquo præsumendum quod ea quæ à fratribus & coepiscopis nostris, & tam Prelatis quam subditis Ecclesiarum, in opus tam pium erogari mandavimus, propriis velimus usibus applicare, aut aliorum eleemosynas cupiditate qualibet terræ sanctæ subtrahere, cui potius de

nostris & fratrum nostrorum disposuimus subvenire. Vnde si quid forsan in literis nostris, quas vobis direximus, continetur, per quod congregatam pecuniam ad nos mandaverimus destinari, id non ex intentione nostra, sed nimia occupatione processit, qui quanto intendimus pluribus, tanto minus solicite possumus de singulis cogitare: licet id non recolamus sic expresse mandasse, sed nostræ potius intentionis fuisse, ut summa collectæ pecuniae nobis deberet per literas intimari. Ideoque discretioni vestræ per apostolica scripta mandamus quatenus cùm secundum formam literarum, quas ultimò vobis direximus, pecunia fuerit in prædictæ terræ subsidiūm congregata, ex ea per dioceſanos Episcopos, secundum discretionem eorum, & duorum fratrum, unius militiæ Templi, & alterius Hierosolymitan Hospitalis, quos ad hoc cum Episcopis per vos præcipimus deputari, militibus & aliis cruce signatis, si tamen eguerint, non ad superfluitatem, sed necessitatē potius faciat stipendia ministrari. Si quid verò residuum fuerit, id secundum dispositionem nostram & consilium aliquorum de fratribus memoratis, vel in stipendia militum, vel alias necessitates terræ Hierosolymitanæ, dante Domino converteretur. Datum Laterani XIII. Kal. Decembris.

*CONSTANCIA IMPERATRICI
gloriae Regne Siciliæ, ac carissimo
filio Friderico illustris Regi Siciliæ, eorumque
heredibus in perpetuum.*

SVper gentes & regna divina providentia constituti, ut evellamus noxia, & salubria cum Propheta plantemus, sic ad universas provincias nostræ considerationis aciem extendere volimus, & circa eas piæ sollicitudinis studium exercere, ut sotipis turbinibus tempestatum, quas parit mater diversitas, servent ad invicem mutuae caritatis affectionem, & in vera pacis vinculo gubernentur. Porro specialiter & præcipue speciale ac præcipuam sollicitudinem circa regnum Siciliæ nos convenit adhibere, quod in apostolicæ sedis ferventius hactenus devotione permanit: ad quod etiam inclytæ recordationis R. quondam patris, W. fratri, & W. nepotis tuorum Regum Sicilia, filia Imperatrix, grata memoria nos inducit, qui

Epif. 410.
De Regum Si-
ciliæ erga Ro-
manam Ecclæ-
siæ observan-
tia, deque Pon-
tificis in illos
voluntate.

Hh